



Broj: 14-11-1247/26  
Vogošća, 24.06.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 24.06.2026. godine donio je

## **ODLUKU O PONIŠTENJU KONKURENTSKOG ZAHTJEVA ZA DOSTAVU PONUDA ZA NABAVKU USLUGE OBJAVLJIVANJA OBAVJEŠTENJA U SLUŽBENOM GLASNIKU BIH**

### **Član 1.**

Poništava se Konkurentski zahtjev za dostavu ponuda za nabavku usluge objavljivanja obavještenja u Službenom glasniku BiH, broj: 14-11-1247/26, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

### **Član 2.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

## **OBRAZLOŽENJE**

Općinski načelnik je dana 05.06.2026. godine donio Odluku o pokretanju Konkurentskog zahtjeva za dostavu ponuda za nabavku usluge objavljivanja obavještenja u Službenom glasniku BiH, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 05.06.2026. godine pod brojem: 1353-7-2-122-3-116/26.

Tendersku dokumentaciju sa Portala javnih nabavki BiH su preuzela 4 (četiri) ponuđača. Krajnji rok za dostavu ponuda bio je 16.06.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 16.06.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Vesles" d.o.o. Banja Luka, broj int. knjige 14/26, pod brojem 359., sa ponuđenom ukupnom cijenom nabavke u iznosu od 21.950,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1247/26 iz juna 2026. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Komisija za javne nabavke konstatuje slijedeće:

Odredba člana 2. tačka O zakona o javnim nabavkama ("Službeni glasnik BiH" broj: 39/14, 59/22 i 50/24) propisuje:

„Ekskluzivno ili isključivo pravo je pravo na obavljanje djelatnosti iz člana 5. ovog zakona, koje nadležni organ u Bosni i Hercegovini **posebnim zakonom, drugim propisom, ili odgovarajućim ugovorom dodijeli jednom ili više pravnih subjekata, što značajno utiče na mogućnost drugih subjekata da obavljaju te djelatnosti.**

Nadalje, Odredba člana 36. Stav 1. glasi:

„Sva obavještenja o nabavci, dodjeli ugovora, poništenju postupka javne nabavke, dobrovoljno *ex ante* obavještenje o transparentnosti i prethodno informacijsko obavještenje kao i sažetak obavještenja o nabavci na engleskom jeziku, ugovorni organ objavljuje na portalu javnih nabavki. **Sažetak svih obavještenja objavljuje se u "Službenom glasniku BiH",**

dok stav 2 Zakona glasi: „Obavještenja iz stava (1) ovog člana pripremaju se i šalju na objavljivanje elektronski, u formi, na način i u rokovima koji se definiraju podzakonskim aktom koji donosi Agencija“.

U tenderskoj dokumentaciji - tačka 6.1.1. propisano je:

Predmet nabavke je **pružanje usluge objavljivanja obavještenja u Službenom glasniku BiH** za potrebe Općine Vogošća, a u skladu sa članom 36. stav 1. Zakona o javnim nabavkama Bosne i Hercegovine ("Službeni glasnik BiH" broj: 39/14, 59/22 i 50/24), članom 11. stav 2., 3., 4. i 7. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki ("Službeni glasnik BiH" broj: 80/22), članom 3. Zakona o objavljivanju propisa i drugih općih akata u "Službenim novinama Kantona Sarajevo" ("Službene novine Kantona Sarajevo" 18/11-Prečišćeni tekst, 36/15, 11/19, 35/22) i člana 69. stav 3. Zakona o organizaciji organa uprave u Federaciji BiH ("Službene novine Federacije BiH" broj: 35/05).

Iz navedenog proizilazi da je Zakonom o javnom preduzeću novisko-izdavačkoj organizaciji „Službeni glasnik BiH“ osnovano javno preduzeće od posebnog društvenog interesa kojemu je dodjeljeno pravo objave i izdanja službenih glasnika. Jedino JP NIO „Službeni glasnik BiH“ je ovlašten da objavljuje obavještenja u Službenom glasniku BiH.

U Tenderskoj dokumentaciji nigdje nije navedeno da se objave sadržaja mogu objavljivati na nekom drugom portalu/platformi, niti da se ponuđači mogu eventualno prijavljivati kao podugovarači.

Ugovorni organ je u skladu sa odredbama Zakona o javnim nabavkama obavezan u Službenom glasniku BiH objavljivati sažetke obavještenja koja su objavljena na Portalu Agencije za javne nabavke i to ekskluzivno pravo pripada „Službenom glasniku BiH“ u skladu sa Zakonom.

Obzirom da JP NIO „Službeni glasnik BiH“ jedini ima ekskluzivno pravo na objavu sadržaja koje su ugovorni organi u skladu sa pozitivnim zakonskim propisima obavezni objavljivati u „Službenom glasniku BiH“, te uzimajući u obzir da je to izričito navedeno u Tenderskoj dokumentaciji, to je ponuda ponuđača „Veles“ d.o.o. Banja Luka neprihvatljiva za ugovorni organ.

Shodno iznesenom, Komisija za javne nabavke jednoglasno daje preporuku Općinskom načelniku da donese Odluku o poništenju Konkurentskog zahtjeva za dostavu ponuda za nabavku usluge objavljivanja obavještenja u Službenom glasniku BiH, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

---

**Migdad Hasanović**

Dostavljeno:

1. "Veles" d.o.o. Banja Luka
2. Nadležnoj Službi
3. U dosije
4. a/a

velesbanjaluka@gmail.com

**Akt izradila:** Meliha Čolpa

---

**Akt kontrolisala:** Đejna Sarač

---

**Akt odobrila:** Đejna Sarač

---

**DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA**